

Broj: 06-18-81/22  
Sarajevo, 11.2.2022. godine

**PARLAMENT FEDERACIJE BOSNE I HERCEGOVINE  
DOM NARODA**

n/r mr.sci. Izmir Hadživdić, sekretar  
Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno:		15-02-2022	
Org. jed.	Broj	Priloga	Vrijednost
05/2	-02-	50	122

Predmet: Odgovor na delegatsko pitanje  
Veza: Vaš akt broj: 05/2-02-50/22 od 02.02.2022. godine

Poštovani,

U vezi odgovora na delegatsko pitanje koje je delegat Jasmin Duvnjak postavio na 16. sjednici Doma naroda Parlamenta Federacije Bosne i Hercegovine održanoj 27.01.2022. godine, a koje glasi:

„Ministarstvo turizma ko je obavezan plaćati boravišnu taksu u FBiH, kojim aktom je definirana ta obaveza i koliko ona iznosi u Federaciji i u kantonima?“.

Na gore navedeno delegatsko pitanje dajemo sljedeći:

**ODGOVOR**

Boravišna taksa je naknada za korištenje turističke, komunalne i saobraćajne infrastrukture i suprastrukture na području jedinice lokalne samouprave ili u turističkom mjestu koju plaća domaći ili strani državljanin koji izvan svog mjesta prebivališta koristi uslugu noćenja u ugostiteljskom objektu za smještaj.

Obveznici plaćanja boravišne takse je domaći ili strani državljanin koji koristi uslugu noćenja u ugostiteljskom objektu za smještaj, koja se evidentira u knjigu gostiju i plaća po svakom ostvarenom noćenju. Strani državljanin plaćaju boravišnu taksu pod istim uslovima i u istom iznosu kao i domaći državljanin. Obveznik uplate boravišne takse je ugostitelj koji pruža uslugu smještaja.

U Federaciji BiH plaćanje boravišne takse će biti regulisano Zakonom o boravišnoj taksi Federacije BiH koji je trenutno u fazi dorade. Nakon pribavljanja potrebnih mišljenja predmetni zakon će se uputiti na razmatranje i usvajanje Vladi Federacije BiH i Parlamentu Federacije BiH.

Stoga se boravišna taksa u Federaciji BiH plaća prema važećim kantonalnim propisima i to:

- Zakon o turizmu Kantona Sarajevo („Službene novine Kantona Sarajevo“ br. 19/16, 31/17, 34/17-Isppravka i 13/21),
- Zakon o boravišnoj taksi BPK („Službene novine BPK Goražde“ broj: 4/21,);
- Zakon o turizmu ZHK („Narodne novine ZHK“ broj: 20/19);
- Zakon o turističkim zajednicama i unapređenju turizma ( „Službene novine HNK“ broj: 5/00) i Uredbe o boravišnoj pristoji u HNK („Narodne novine HNK“ broj: 5/10 i 5/16);
- Zakon o turističkoj djelatnosti HBŽ ( „Narodne novine HBŽ“ broj: 5/16);
- Zakon o turističkim zajednicama Srednjobosanskog kantona („Narodne novine SBK“ broj: 3/20);
- Zakon o turizmu USK („Službeni glasnik USK“ broj: 8/17);
- Zakon o turističkim zajednicama („Službene novine TK“ broj: 11/15),
- Zakon o turizmu PK koji je usvojen 19.01.2022. godine na XXV. Sjednici Skupštine PK (nije službeno još objavljen);
- Skupština Zeničko-dobojskog kantona, na sjednici održanoj 3. februara 2022. godine usvojila je nacrt Zakona o turizmu Zeničko-dobojskog kantona koji je upućen u javnu raspravu u trajanju od 60 dana i bit će provedena u svim općinama i gradovima Zeničko-dobojskog kantona.

Visina boravišne takse utvrđuje se odlukom, na prijedlog resornog ministarstva, a donosi je vlada u prvoj polovini tekuće ili do kraja oktobra tekuće godine za sljedeću godinu. U kantonima u kojima je donesena Odluka, visina boravišne takse iznosi 2,00 KM i to:

1. Odluka o visini boravišne takse KS („Službene novine KS“, broj: 50/21) određena je visina boravišne takse u iznosu od 2,00 KM.
2. Odluka o visini boravišne takse na području SBK za 2022. godinu donesena na prijedlog Ministarstva privrede Vlada Srednjobosanskog kantona na 102. sjednici održanoj 04.11.2021. godine, određena je visina boravišne takse u iznosu od 2,00 KM, (odluka nije službeno objavljena).
3. Odluka o visini boravišne takse i visini godišnjeg paušalnog iznosa boravišne takse na području Unsko-sanskog kantona za 2022. godinu („Službeni glasnik USK“ broj: 2/22) određena je visina boravišne takse u iznosu od 2,00 KM.
4. Zakon o turizmu PK – član 46. (Iznos boravišne pristojbe) propisano je da “Do donošenja odluke Vlade o visini boravišne pristojbe iz članka 42. stavak (1) ovog Zakona, iznos boravišne pristojbe na području Županije iznosi 2,00 KM po ostvarenom noćenju”, tako da odluka nije donesena već primjenjuje citirani član Zakona.

5. U HNK je u postupku izmjena Zakonom o turističkim zajednicama i unapređenju turizama koja se odnosi na raspodjelu članarine turističkoj zajednici i visini i raspodjeli boravišne takse u HNK, tako da Odluka nije donesena. Prema dostupnim informacijama posljednja objavljena Odluka o visini boravišne takse je iz 2017. godine i iznosila je 2,00 KM („Narodne novine HNK“ broj: 2/17);
6. Zakonom o turističkim zajednicama TK – član 62. propisano je da „ Do donošenja odluke Vlade Tuzlanskog kantona iz člana 33. stav (1) ovog zakona visina boravišne takse na području Tuzlanskog kantona iznosi 2,00 KM po ostvarenom noćenju“, tako da Vlada TK nije donosila Odluke o visini boravišne takse već primjenjuje citirani član Zakona.

S poštovanjem,

  
MINISTRICA  
dr. Edita Đapo

Dostaviti:

- Naslovu,
- Jasmin Duvnjak, delegat u Domu naroda Parlamenta Federacije BiH,
- a/a.